

廣雁蕩山誌卷二十

藝文 詩三

五言律詩

憶遊雁山

宋 呂夷簡 壽州人

往年遊海嶠上徹最高層雲外疑無路山中忽見僧虎

蹲臨澗石猿掛半巖藤何日拋龜紐孤峰卜再登

題郭希呂劉詠道雁蕩詩後

葉 適 永嘉人

隱劉甘隱淪老郭亦離羣自鎖魚亭月同穿雁蕩雲排

峰造龍質懸水迸簾紋百種聚奇怪從君句裡分

廣雁蕩山誌 卷二十 藝文 詩

遊雁蕩

康 惇 人

不怕石頭滑來爲雁蕩行平生夢不到今日眼逾明未

歷千峰秀先逢一段清遍觀從此始着脚履崢嶸

贈約老

趙師秀 永嘉人

一徑入深竹數楹臨古溝更無人共往極喜客來遊白

髮長垂項新茶綠滿甌自言門外路皆是老僧修

巖居偕

開扉坐石層盡日少人登一鳥過寒木數花搖翠藤茗

煎冰下水香炷佛前燈我亦逃名者何因似此僧



贈東庵約老

翁 卷 樂清人

聞今年八十退院久清閒白雪影慵剃青松戶早闌取  
泉來煮茗與客話遊山弟子何僧是緇衣多往還

壽昌道中

清遊從此始過處必須看背日山梅瘦隨潮海鴨寒平  
途迷望濶峻嶺疾行難聽得居人說今年冬又殘

壽昌道中

徐 照 永嘉人

碣宇芙蓉驛喜行行不難路侵滄海過人得異山看圓  
石蟻黏滿平途鷺立寒一遊期一月回日必冬殘

雁蕩山誌 卷二十 藝文 詩

二

雁山

左 緯 黃巖人

亂山無限好幽徑有時迷石骨秋偏瘦松梢老却低天  
寒聞雁過月白見烏棲海上知名地無人識馬蹄

雁山總題二首

戴復古 黃巖人

此地古無聞誰封萬石君山林纔整整來往早紛紛兩  
派龍湫水千峰雁蕩雲東西十八寺紀載欠碑文

幾山兼幾水更有幾烟霞不立仙人宅都為釋氏家賓  
秋多少雁報曉一雙鴉有此山林勝如何在海涯



駭見二靈境山林體勢豪插空天柱壯障日石屏高覽  
勝苦不足登危可憚勞白雲飛動處絕壁走猿猴

芙蓉山

林景熙

平陽人

驛路入芙蓉秋高見早鴻蕩雲飛作雨海日射成虹一  
水通龍穴諸峰盡佛宮如何靈運屐不到此山中

遊雁山僧寺

薛

嶋

永嘉人

野服掛僧單禪扉月未關桂香清近佛秋色老依山木  
落遙峰出溪迴流水閒相傳登蕩路數處可躋攀

同徐仲禮劉芳在雁山作

元

李孝光

樂清人

廣雁蕩山誌

卷二十

藝文 詩

三

北雁山前路扶藜上紫冥山空猿自語雲煖鶴初醒詩  
妙驚天老琴靈畏瀑腥夜分蕭寺榻南斗下文星

遊雁蕩

明

林廷選

長樂人

十里烟霞路登臨一爽然飛流還作雨高柱欲擎天屏  
障瓊英綴旌旗翠葆連誰哉鑿混沌神巧費雕鐫

雁山酬謝邦脩

章元梅

謝子一相見登山意若何心將流水遠興逐白雲多絕  
壁斷青靄長松懸翠蘿更須拋俗事相與聽樵歌

雁山次日

朱

諫



雁山環百里勝處少人知碧樹搖丹壑青霞覆紫芝偶  
來千佛地休和四靈詩信宿心猶欠留連及午炊

雁山

山頂是僧家溪邊一徑斜遊人思舊雨春色在殘花嶺  
路雲間出禪堂樹半遮宿醒俱未解隔壁喚燒茶

同朱雲巖登雁山

趙廷松

劫外應無地空中別有天凝雲山似黛過雨瀑如烟酌  
酒酬清澗歌詩慰謫仙平生媚幽僻三醉翠微巔

雁山

陳壺中

永嘉人

廣雁蕩山誌

卷二十

藝文 詩

四

山川秘靈跡海近氣常陰尊者何年在樵人此路深雲  
龍歸絕頂花鳥識禪心十八前朝寺哀猿空夜吟

卧雲上人過山池別之雁石

曹學佺

侯官人

近日懶出戶高僧會亦稀林間飛錫到陂上放船歸雁  
宕尋樵徑龍湫濺衲衣詎那禪定裡誰不願皈依

八雁山

項守祖

永嘉人

海上無雙地寰中第一山龍宮高在望鷲嶺峻能攀路  
轉巖亭仄橋迴澗水灣囂喧從此隔一笑解塵顏

入淨名寺舊址尋仙人橋王子晉吹簫處路斷不



可得

野徑偏迢遞空山久寂寥此中無佛宇何處有仙橋  
色相凋金座音徽杳玉簫殷勤尋往蹟感慨憶前朝

贈金陵僧瑞峰住雁山二首

劉社永嘉人

老衲恒探勝靈區獨往還更從鮫室地最愛鳥名山  
重壑禪關靜飛流水觀閒因君厭塵趣清夢繞煙鬟  
安禪宜沆寥秋至更蕭蕭雁白千山月楓丹重霧朝  
看玉女飄幃擁錦屏遙此處觀空色前塵一宿迢

巳丑再遊雁山

國朝林文朗樂清人

廣雁蕩山誌

卷二十藝文詩

五

覽勝難常繼攜筇用疾趨入湫先看瀑躡頂次尋湖  
三宿猶嫌速單行不害孤此來山路熟無待問樵夫

淨名寺蔬飯

阮元儀徵人

石色峰猶變溪聲步步斜櫻櫚圍界屋杉竹隱蔬花  
入寺聽詩板穿林劚笋芽鍊孟香宿飯匙上有雲霞



爲憶龍湫重回首來看瀑布獨逡巡

約遊雁山

趙抃西安人

白藟趨拜力維艱柯嶺歸來遠帝寰抱甕不能師老圃  
驅車獨足訪名山魚書入手殷勤後雁字排空查靄間  
多謝主人期我意謝公遺跡願追攀

遊雁蕩將抵温州寄太守石牧之

霜風雙鬢雪鬢髮物外尋真頓離凡子舍若非叨別乘  
我車安得到靈巖碧窺秋瀑心同洗紅嚼山杷口似饒  
多謝賢侯見招意數貽嘉咏與珍函

廣雁蕩山誌

卷二十 藝文 詩

六

答樂清尹周邠寄雁山圖

蘇軾眉山

指點先憑採藥翁丹青化出大槐宮眼明小閣浮烟翠  
齒冷新詩嚼雪風二華行觀雄陝右九仙今已壓京東  
此生的有尋山分已覺温台落手中

西湖三載與君同馬入塵埃鶴入籠東海獨來看出日  
石橋先去踏長虹遙知別後添華髮時向尊前說病翁  
所恨蜀山君未見他年攜手醉郫筒

迎趙清獻公遊雁山

石景立人

雁宕天台路險艱多應特地隔塵寰不辭登陟來千里



爲是東南第一山，爭望台星從海上。方知蓬島在人間，  
武林二老圖中見。重惜官師遠莫攀。

送劉芳叔季文仲遊雁山

王十朋

二客騷腸不耐秋，飄然蠟屐去尋幽。蕩中若要窮青眼，  
巖下先須問白頭。詩社不容添異姓，名山應得遇清流。  
會須乘興天台去，澗水桃花訪舊遊。

添人

原注：季有詩云：醉鄉須待我詩社莫。

示五峰僧

趙師秀 永嘉人

峰形如掌自迴環，頭白山僧引客看。積葉堆來泥路滑，

廣雁蕩山誌

卷二十 藝文 詩

七

斜陽移去石橋寒，近聞瀑布尋還遠。易得萑蒲採更難，  
分有一峰於此任。與師相聚願辭官。

雁山

趙汝回 永嘉人

木葉新時雨亦晴，山中少住不妨程。僮嫌路峻頻癡坐，  
僧喜巖幽每促行。草蕩春深無雁到，松林月上有猿聲。  
石屏一帶三千丈，可惜題詩又不成。

寄雁宕詩僧

薛師石 永嘉人

雁蕩峰前夜雨晴，空房不住有蟬聲。一身閒後髮難白，  
五字吟來思極清。少見出山多人定，還於夏末起秋程。



何如更待黃花節，顧我來遊計已成。

送果上人遊雁山

元鄭采  
平陽人

雪消山色漲東州，最好天台雁蕩遊。  
背負青天緣鳥道，面承風雨看龍湫。  
深春林麓多金刹，落日江湖自白頭。  
石上玉芝應拾得，念吾無物可銷愁。

雁蕩次韻

李孝光

竹杖椽鞋去去賒，一春紅到杜鵑花。  
山椒雨暗蛇如樹，石屋春深燕作家。  
父老行尋靈運屐，道人喚喫趙州茶。  
明朝塵土芙蓉路，猶憶山僧飯一麻。

廣雁蕩山誌

卷二十 藝文 詩

八

次國性庵韻送之雁山

銅杖彭鏗響白雲，山之南北水之瀕。  
猿白鶴窺行客紫，氣青霓下應真藥。  
老雲根幾萬本山開，石髓又千春。  
却還有客來相訪，已與先生隔一塵。

和遊雁山二首

北雁山中路，詰曲夕陽木杪見。  
人家筍輿穿樹驚，霜葉桐杖敲雲損。  
土花白雁秋高還蕩頂，流螢月黑出簷牙。  
怱怱但得皮膚耳，出外逢人莫浪誇。

峽中鐘磬十八寺，山腹茅茨三兩家。  
雨後亂溪青似髮。



霜前病葉赤於花懸崖萬仞塗腥血怪石千株錯犬牙  
緊絆芒鞋行一月出山慎勿向人誇

### 遊雁蕩山

興國年間路始開前朝碑墨半蒼苔雁橫蕩月知秋到  
僧踏湫雲看瀑來一嶺未教靈運識萬松誰道了翁栽  
此行曾共秋風約說與山猿不用猜

### 和陳輔賢見寄雁山韻

龍湫瀑布玉千尋竹杖芒鞋去去深雨暗葑湖知雁下  
雲殘楓樹有猿吟松篁禽鳥皆真性樓觀鐘魚自好音  
廣雁蕩山誌卷二十藝文詩九

越角吳根行已到錦襜不觸道人心

### 雁山紀行

明廖希顏  
茶陵人

驚濤初卸海門舟覽勝還尋上界遊秋老白雲迷雁蕩  
霜深紅葉暗龍湫諸天路繞三千部雙劔芒寒七十州  
張望仙橋人鮮過西風黃鵠兩悠悠

### 過雁山宿僧舍

章綸

來往經過雁蕩山招提遊宿在雲間月明風籟令心省  
天闕星辰著手攀梵語談禪清洗耳詩聲和酒最怡顏  
古來竹院逢僧好今我還偷半日閒



送惠崇上人歸雁山

面壁多年住雁山飛空一錫到龍灣石頭來處何曾滑  
松頂摩時却又還世界十方竿百丈雲霞一鳩屋三間  
也知執意堅貞好清淨家風只自閑

遊雁山

謝省

黃巖人

翠巖重重一徑通奇峰怪石鬱龍從梵宮聳碧依銀漢  
瀑布飛寒下遠空秋入蕩陰迷落雁雲連鼻水起蟠龍  
停車不盡登臨興還擬重來訪遠公

過雁山

蔡潮

黃巖人

廣雁蕩山誌

卷二十

藝文詩

十

天設奇觀隔世氛盛名信是不虛聞寒生六月龍湫雪  
巖合千峰雁宕雲住笏我能輕好爵揮戈誰與駐斜曛  
武林衡嶽相知舊雅愛從今為爾分

望雁山

章元梅

雁山高與海天接海雁南飛古蕩秋雁飛一夜渡海去  
雁蕩之峰何邃幽四十九折盤鳥道三千餘尺飛龍湫  
芙蓉面面削寒玉長使騷人舉目愁

雁山次韻

漫說乘槎海上浮尋幽須及雁山秋竹深鶴共秋池靜



松暝僧分午院幽，裊裊孤雲生斷石。  
蕭蕭落木墮寒流，老來筋骨粗強健。  
徧歷諸天到上頭。

登雁北最高峰

羣公暇日共載酒，野客悲秋來賦詩。  
烟煖翠壺深注玉，漿寒碧椀凍澆薨。  
雲中迷望峰千朶，天際牽愁江一絲。  
飲罷狂歌下山去，山頭明月有誰知。

陪萬提學至雁山

朱諫

雁山山下惠風和，野老追隨使節過。  
海氣盡消波色定，林花半落鳥聲多。  
村烟漠漠春將別，世路紛紛髮易皤。  
廣雁蕩山誌 卷二十 藝文 詩 十一  
借取僧房同一宿，夜凉明月下庭柯。

天台葛主簿過雁山

獨支雙屐謝公勞，白鶴相隨過九臯。  
瀑布倒吹風力健，石屏橫倚日輪高。  
鐘聲隱隱來修竹，霞氣霏霏轉碧桃。  
欲向天台問劉阮，洞門流水可容舸。

和陳北軒韻

雁湖流水出江門，老眼看山未盡昏。  
秋意蕭疎動雲影，古碑剝落見苔痕。  
紺園客去風烟在，精舍經殘草木存。  
截取一枝方竹杖，醉來時共老僧捫。



春日在雁山寄王月崖

雁蕩山中三月時採茶歌裏一吟詩紅塵脫却尋真樂  
白髮生來少故知燒筍每同僧共嚼洞簫高倚佛前吹  
先生不帶登山屐我有名山更對誰

約遊雁山至柏山而返

周夔

黃岩人

野色蒼蒼曉未分荒村落葉正紛紛塵纓擬濯龍湫水  
詩興空馳雁蕩雲籬落疎梅行處有霜空斷雁到來聞  
不知向晚何歸宿驢背枯吟已夕曛

遊雁山三首

余應舉

南昌人

廣雁蕩山誌

卷二十

藝文

詩

十一

縈迴磴道俯千盤雁蕩秋風立馬看今古河山成混合  
東南虎豹此雄蟠長松日映龍鱗起靈瀑晴飛玉乳寒  
欲問蟾蜍無指顧金光瑤草路漫漫

榜旌伐鼓怯斜暉路轉峰迴翠作圍天削玉蓮僧慣數  
地盤金鼎鳥孤飛貪遊露滴巖頭蓋趺坐雲霞石面衣  
不用遠公來說法休殫應解息塵機

凌長蠟屐陟崔嵬向夕攀蘿去未回天柱赤霄擎日月  
龍湫白晝吼風雷空門茗盞當猿嘯老衲袈裟候客來  
華髮自憐山水癖驅車明發更天台



雁山

侯廷誠樂清人

人道山行秋獨宜我來正好雁歸時  
雲埋絕壑半如失峰接峭空久欲疑  
好鳥迎人初出谷飛泉作雨故催詩  
山僧却有臨行囑莫向人言路有岐

雁山午眺次古韻

朱文簡樂清人

獨上高山逸興飛幾村茅屋午烟微  
崖前晴瀑半空下雲外漁舟何處歸  
赤手我能摩碧落醉歌誰共倚斜暉  
蓬萊咫尺合飛去願藉天風吹我衣

雁山

章九思元應人

廣雁蕩山誌

卷二十 藝文 詩

七

雁蕩山中百二峰青回面面削芙蓉  
迎眸不盡烟嵐趣入望何當紫翠重  
秋水晴空飛雨雪松濤風冷撼虬龍  
一時未極登臨興奇秀猶將夢裡逢

次韻酬蕩南先生遊雁山

方軒人

緊絆芒鞋入舊山青蓮簇簇彩雲間  
相從麋鹿林中伴謝却鴛鴦天上班  
老去閒情隨處得秋來詩句未容慳  
就中已與紅塵隔安用神丹煉大還

咏雁山

高賓江陰人

試將山水論奇絕雁宕應為天下宗  
橫跨海門三百里



直蟠鼇背五千峰青崖丹壑飛靈鳥紫草元雲秘石淙  
日暮猶緣藤起處強登絕獻兩三重

上劉提學遊雁山

張孚敬

永嘉人

海內衣冠集雁山草茅無路得追攀山中定掃豺狼道  
天下誰當虎豹關玉輦奚從瞻樂地金樽未許破愁顏  
江湖廊廟心相似莫道漁樵盡日閒

雁山呈諸同遊

黃綰

五年不踏雁山烟此日登臨飛鳥邊洞府何年藏石髓  
天池一夜長青蓮誅茅準擬開三徑拄杖寧辭掛百錢  
廣雁蕩山誌 卷二十 藝文 詩 古  
去去未緣山水癖與君同種紫芝田

秋日陪諸公遊雁山

朱守宣

樂清人

雁宕山前候雁飛涼風天畔灑秋衣雲中挾客尋詩去  
谷口逢僧步月歸萬里滄江蟠大地千峰黃葉下斜暉  
遐觀漫有登臨興何處樵歌度翠微

雁山次韻

鮑德輝

樂清人

笑解塵纓濯碧潭似聞遙唱望江南雲橫絕獻迷仙穴  
瀑瀉懸崖漲佛龕宕雁已歸風落木湫龍欲起雨隨驟  
此生擬有探幽分曾與山靈約再三







別向龍湫訪飛瀑一林晴雨石梁穹

登雁山

薛應旂 武進人

海上山多此獨名登臨真若在蓬瀛龍湫雙瀑穿雲舞  
鳥道千松應谷鳴隱見岡巒棲虎豹傾欹湍激躍鯤鯨  
幽竒自是天珍秘靈運不來何重輕

宿雁山禪院

逢着禪牀且便休空林獨夜景偏幽月明松影窓前落  
客卧泉聲枕上流槐國升沈俱是夢塞翁失得已無憂  
塵緣未斷猶奔走默對山靈一點頭

廣雁蕩山誌

卷二十 藝文 詩

六

雨後同朱靈谷入雁山

王叔果 永嘉人

幾年寤寐雁山遊此日登臨值素秋有客共飛蒼玉鳥  
題詩遙寄紫霞樓靈湫帶雨添竒勝峭壁連雲轉邃幽  
應接滿前真不暇卜棲舍此更何求

遊雁蕩

趙寬 吳江人

誤入清都衆妙門居然別是一乾坤移來西極崑崙圃  
拔起東維天地根迷路每從樵叟問會心難與世人言  
夕陽疑有羣仙過千隊翔鸞萬寶幡

袁黃巖寄雁蕩圖及新詩頗懷壯遊之感



王世貞大倉人

高枕柴門掩綠苔素書今為  
故人開如分雁蕩羣青過  
忽挾龍湫萬玉來康樂恨長  
垂試展河陽詩好任登臺  
君家夏甫終難慕雙足何曾  
限八垓

入雁山

顧璘吳縣人

春歸幽谷見桃花問訊安期  
海上家石壁虛無通雁蕩  
星河漂轉坐龍槎林香定有  
千年藥雲氣皆成五色霞  
且訪名山消俗慮未論勾漏  
隱丹砂

長至宿雁山

鄭善夫

廣雁蕩山誌卷二十 藝文 詩

七

不應六瑄混窮愁歲晚空門  
雲水幽滄海客心餘夢寐  
錦溪春色背林邱山寒夜宿  
龍湫雨日至天回雁蕩秋  
何處疎鐘喚深省此時黃屋  
拜宸旒

登雁山最高處二首

張文熙嶺右人

攬轡東遊亦壯哉乘風漫躡  
此崔嵬天開雁蕩千峰出  
雲擁滄溟一鏡迴乳結懸巖  
凝若雪瀑飛峭壁響成雷  
憑欄何限蒼茫思搔首乾坤  
試舉杯

捫蘿徙倚最高峰矯首雲霄似  
可從東指扶桑縈若木  
西瞻葱嶺削芙蓉洞中仙去  
還來鶴巖下雷鳴欲起龍



寥廓恰期湖海願便將五嶽徧靈筓

遊雁山

李思誠 南直人

百磴雲烟列嶂開  
拳帷紫翠撲輿來  
有峰拔地虛擎日  
是水從空怒瀉雷  
雁影春深疎草木  
鹿羣日夕下莓苔  
探竒眺盡仙靈窟  
俯首東觀海似杯

雁宕大觀師有興復古剏之志

黃國信 永嘉人

幾度龍湫謁詎那逢師今日雁山阿勝緣已作千年計  
大願休教萬劫磨  
箇裡機關知者少  
此中雲物悟時多  
他年結就維摩室  
應許愚生問偈過

廣雁蕩山誌

卷二十 藝文

詩

六

出雁山

邵倬 永嘉人

磴道縈迴七七盤  
雁山回首失林巒  
賞心常在龍湫下  
逸興猶棲天柱端  
筋竹峻嶒雲裡度  
能仁岑寂雨中看  
獨憐此去烟霞隔  
夢寐名區入望難

將入雁山雨中卽事

王光美 永嘉人

寒飈衰柳度江城  
客路衝泥列騎行  
海抹嵐光天外合  
林含楓色雨中明  
花村漸覺秋容暮  
風磴時聞落葉聲  
不辨龍從雲裡影  
幾逢樵父問山名

經 廢寺入大龍湫



近地猶存古剎蹤  
崎嶇蹊徑度疎松  
秋深古蕩見歸雁  
嶺隔靈湫尋卧龍  
淨宇未陳何處榻  
高岑先過此時筇  
日斜鳥雀爭棲宿  
暮色蒼蒼映遠峰

秋日遊雁蕩山 二首

彭夢祖 全椒人

石門雙峙訝崔嵬  
百一芙蓉面面開  
谷口靈峰如湧出  
洞前羅漢果飛來  
人尋鳥道青蓮宇  
水落龍湫白日雷  
海內名山誰似此  
平生幽賞最奇哉

南戒峰高高插天  
石門秋色正蒼然  
香爐寶篆空中現  
龍鼻瓊漿洞裡懸  
古木吹風疑虎過  
野花連屋有僧眠  
廣雁蕩山誌 卷二十 藝文 詩 九

雁湖只在連霄上  
父老猶傳沉塔年

同張澹如憲副遊雁山

張延登 山左人

雁宕名峰擅浙東  
筇輿竟月未能窮  
一簾珠玉懸蒼壁  
萬仞芙蓉削碧空  
鬼斧神斤恣詭態  
雕雲鑿月總天工  
同遊况有同懷客  
何用臨風羨謝公

雁山秋興八首 錄四

釋鏡

白雲深鎖數峰幽  
時至山容亦獻秋  
隻眼邈看天地窄  
半肩徒負古今愁  
漫尋雲石仙人洞  
且坐烟林玉井湫  
仰矚維摩最高處  
空空本是淨名修



躡屩名山問惠休上方暝合碧雲浮千峰倒插芙蓉晚  
一瀑寒分薜荔秋觸景往來長自在隨緣生滅了無憂  
尊前請問西來意不出天龍一指頭

山深葉脫紙衾寒爲問南明說法壇日月摩空金作界  
河山分隸玉爲盤孤蜍色解譚經轉萬象昭回卓錫端  
元對忽然開道眼山巖梁阜可盤桓

幻軀天地任沉浮破衲行藏得自由白帝玉繩寒不斷  
仙人金掌淨堪收巖身一律知無相隨口孤吟作記遊  
不戀長暉媚霞藻喜同蕭瑟共悠悠

廣雁蕩山誌

卷二十 藝文 詩

三

遊雁山紀勝

王應鍾 永嘉人

雁山絕勝標南服翠壁蒼苔自古今谷日晒花春獨媚  
洞雲含雨晝長陰地偏疑有秦人避境寂應多羽客尋  
雙樹鳴鐘千嶂夕向來不覺入山深

遊雁山

王臣 南昌人

東南此景真天造杖履躡攀日已斜絕壁龍湫能作雨  
半空石障自凝霞靈巖虛靜鳴泉溜天柱孤高掛月華  
了却吾儒經濟事石田茅屋可移家

遊雁山

楊天盛 人



六載儒宮吏事閒轉尋仙跡入名山高臺縹緲風塵外  
古鼎虛無指顧間峰擁青蓮花不老洞開丹戶路難攀  
雙鸞未解吹簫意引得遊人雜往還

遊雁蕩山

羅汝元人

憑高遙寄古人情一縷山光萬態橫挾雨松濤青到海  
浮空霞氣赤圍城湫龍洗甲潭文漾宕雁排雲墨彩盈  
醴泛巖花飛玉屑閒從石上悟三生

遊雁山

周鳴謙人

翠壁丹梯倚五城秋風吹客不知程雲開古蕩千峰淨  
廣雁蕩山誌卷二十藝文詩三

雨過靈湫萬壑鳴彩筆欲將霞色染寶珠應向夜來明  
含情今古還搔首處處經壇綠桂生

遊雁蕩

國朝王國泰遼東人

一牟憶踏龍湫地今日方知雁蕩幽自入山林尋舊跡  
却疑身世出塵遊眼前紫翠觀無盡杖後烟霞探未休  
不識何時重過此謾將巖壑徧題留

雁蕩山用東坡韻

劉廷璣人

我亦偷閒學醉翁周環十八梵王宮龍行疾帶潭中水  
虎嘯寒生洞口風自昔地名花大小只今山看鳥西東



謝公空有搜竒癖，鬼斧神工失此中。

自靈巖至靈峰

香風滿袖往來輕，路轉溪迴入化城。  
峰過眼看皆肖物，花隨手折不知名。  
懸猿樹杪窺人意，跌衲山坳絕世情。  
遍踏芒鞋忘力倦，灑然身在畫圖行。

遊雁山三首

嵇宗孟

淮安人

千里雲山誰見招，裹糧空谷問芻蕘。  
兩峰逼側疑無路，細石槎梯漫有橋。  
到此鴻濛初露象，看來大陸忽生潮。  
移情一往皆真境，不必攜琴聽次寥。

廣雁蕩山誌

卷二十

藝文詩

三

山外看山山等夷，入山始覺衆山卑。  
水飛絕頂舞絲細，石厭常峰露骨竒。  
孫綽天台空有賦，杜陵西嶽後無詩。  
偶來盤礴恣元覽，春雨春風四面吹。

真人驅石渡江東，天柱崢嶸氣象雄。  
遂有蛟龍巢洞底，轉教雷雨起山中。  
扶桑日照黃金市，緱嶺笙吹白鶴宮。  
慙愧終南真捷徑，海天漠漠思何窮。

遊雁山

平立鑑

山陰人

平生足跡半天下，此地相思二十年。  
一派飛泉珠錯落，四圍遠岫玉雕鐫。  
藏雲古洞堪逃世，矗地竒峰欲上天。



每到一山頻叫絕幾疑凡骨已登仙

遊雁山畢航海而歸寄芙蓉村主人訂重遊之約

張元彪

永嘉人

芙蓉村路踏春烟又上雲濤汎海船雙屐昨驚山拔地  
一帆今見水黏天莫辭猿鶴山靈怨轉結魚龍海若緣  
寄語主人休悵望秋風消息雁聲邊

讀六洲雁山誌

陳之恕

永嘉人

寢食名山數十秋搜奇不憚化工愁千層面目誰能闢  
一卷烟霞子獨收淡泊業堪垂石室逍遙興豈減浮邱

廣雁蕩山誌

卷二十

藝文詩

三

潛夫品格知何似百二高峰最上頭

昭明禪寺碑

程

浩

永嘉人

雁山古跡向誰詢賴有沉碑字未湮唐宋高僧皆後輩  
蕭梁佞佛證前因劫灰不覺經千載片石應教傲五珍  
欲附筆談談不得一重公案又翻新

寄雁蕩

阮

元

儀徵人

我聞雁蕩波連頃卻在最高峰上頭雲裏龍鱗接煙水  
泥中鴻爪識春秋欲攀危磴千層去難向深山一日留  
果有經行古尊者擲詩應使逆波流



出山宿大荆營

坻旗遙見大荆營  
麥隴茶田取次平  
斤竹澗邊新蹊路  
石門潭下小方城  
沙邊網石籃輿穩  
渡口廻風畫角清  
今日郵籤促塵鞅  
何時重與細經行

重遊雁山四首

李燾宣 靜樂人

白雲如練海如杯  
曲磴千盤列嶮開  
三載光陰真一瞬  
五年觀察又重來  
山靈見面渾相識  
禽鳥逢人不了猜  
可惜塵蹤尙羈絆  
未能咫尺躡天臺

曾揮不律紀前遊  
纓纒煙霞一掌收  
山到二靈難着筆

廣雁蕩山誌

卷二十 藝文 詩

三

暑當六月欲披裘  
奇峰竟與雲爭  
幻怪石驚看筍亂抽  
願借龍湫千尺水  
遍施霖雨潤田疇 時方夏旱故云

鐵城嶂與翠微連  
碧中分一線天  
尊者已觀飛瀑化  
老僧猶抱野雲眠  
洞中鍾乳千年滴  
石上芝英五色鮮  
只爲雁湖仍未到  
何時遂此看山緣

依舊嵐光不斷青  
石牀丹竈昔曾經  
便須少住朋猿鶴  
何用勞生辨渭涇  
拔地峰多蓮萼異  
聞年我已髮星星  
響巖東去神仙宅  
別久雙眸一再停

淨名寺讀李石農師雁蕩紀游詩蓋師手錄付雲



公者吟以志感因贈雲公

陳舜咨

永嘉人

無端宦海大波翻萬里重歸舊跡存紫塞幾勞人遠夢  
青山不厭我驚魂詩篇清勁灑霜氣墨瀋淋漓清淚痕  
好語上人須護惜當將玉帶鎮山門

茅輟獨自踏蒼烟百二峰巒似舊妍好句伊人真謝眺  
後堂如我漫彭宣名山到眼輕三鳥往事傷心越八年  
虎嘯猿吟崑岫復九閩誰敢叫青天

別雁山

曾佩雲

永嘉人

百二峯巒似翠環遊人身歷畫圖閒龍能噴瀑山無暑  
廣雁蕩山誌 卷二十 藝文 詩 三五

叟解聽詩石不頑仙跡定隨明月下僧扉長護白雲間  
芒鞋半月登臨健且喜前緣未盡慳

徒侶匆匆已戒程塵緣何事撇難清蟲聲落月千峯靜  
客思秋風一夜生笋嫩茶香剛得味鳥啼花笑總關情  
天台有路應重到爲約山僧拄杖迎

自龍湫寺越華巖嶺觀飛來羅漢

曾賢

永嘉人

磴道紆迴似武夷撥雲度嶺下欽崎山中夜雨龍湫長  
天半仙風上界吹是處置身湏着我真如在眼欲留誰  
何年化石巖腰立海外飛來亦自奇